

La doturia Grete Mahlknecht é demez tl mëis d'agost 2023 y vègn sostituida da chisc doturs:

31.07- 04.08.23: Stefania Febbraro (377 32 88 595) tl Ambulatore Al Plan
07.08 - 11.08.23: Aldo Marcocci (338 72 80 518) tl Ambulatore San Martin
lönesc 10.00 -12.00 dedolönesc 16.00 -19.00 jöbia 9.00 -11.00

PLOANIES SAN MARTIN Y LUNGIARÜ

En vëndres, ai 4 d'agost, dales 15.00, sona les ciampanes adöm sciöche signal cuntra la fan. Insciö acompagnèia les comunités dles ploanies la iniziativa dla Caritas cuntra la fan. "Le sonn dles ciampanes dal'ora dla mort de Gejú, nes recorda ch'al é vigni de tröpa jënt che mör da fan y da malnudriziun. Al é n morí ch'ft. Deboriada podunse fá val' decuntra y daidé les umes y i peri desperá da stravardé sù mituns dala fan - cun spënores y cun l'oraziun." nes mët le vëscó Ivo Muser a cör.

En jöbia, ai 03 d'agost dales 21.00: concert dla musiga sön plaza dla scora a Lungiarü. Düc é dër bel inviad da gní a ascuté sö!

Festa di mituns cina diesc agn tla plaza di jüc a San Martin en lönesc, ai 7 d'agost, dales 15.00 ales 18.00. Düc i mituns dl comun y mëmbri dl KFS é dër bel inviad da se prenoté pro Michaela 320 21 42 230 cina en dedolönesc al 1 d'agost. *Organisaziun KFS y Uniun ëres San Martin.*

Oferta nöia de consulënza dl Consultore familiar (Familienberatungsstelle) ince tl Raiun Sozial Val Badia a Picolin en dedemesaledema, ai 2 d'agost 2023, dales 16.00 inant y ince ai 6 de setëmbër 2023 tla 3ª alzada. L'offerta é ponsada por dotes les generaziuns tles situaziuns desferëntes de vita. Stress, conflic de relaziun, chestiuns che pësa söl laur, contesc soziai, familia o ince maratia á gonot debojègn de na consulënza y de aiüt. Family direkt pïta sön domanda consulënzes telefoniches te na manira dër spontana o ince consulënzes personales. Personal cualifiché se tol dlaurela (danter 30 y 45 menüc) por Os. La consulënza é debann. I termi pó gní concordá online sot a www.familydirekt.it o 0471 1550900

Döt le bun a chi che complësc i agn d'agost

San Martin Frida Burchia Ferdigg che nen complësc 90 ai 3
Clara Vanzi Zingerle che nen complësc 90 ai 5
Clara Planatscher che nen complësc 85 ai 11
Ludwig Rungger che nen complësc 81 ai 13
Vijo Unterweger che nen complësc 89 ai 24
Lungiarü Maria Ploner Planatscher nen complësc 86 ai 15
Linert Clara che nen complësc 86 ai 18



Plata dles Ploanies San Martin y Lungiarü

ploan siur Klaus Sottas 344 15 54 055 - klsottas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194



30.07. - 06.08.23 n. 36

ultimo termo por comunicaziuns: jöbia, dales 20.00

unitepastorala.org

17ª Domènia ia por l'ann A

Vangele do san Matí 13, 44-52

Cun le règn dl cil éra sciöche cun n tesur che é ciavè ite te n ciamp. N ël é rové laprò, mo al l'á indò ciavè ite. Te súa ligrèza él jü a vëne döt cí ch'al á, y à cumprè le ciamp.

Cun le règn dl cil éra incé sciöche cun n marciadënt che chirí de beles perles. Canch'al á albü ciáfè na perla dër preziosa, àl venü döt, cí ch'al á, y l'á cumprada.

Cun le règn dl cil éra incé sciöche cun na rëi ch'an à sciuré tl mer por pié de vigni sort de pësc. Canch'ara é plëna, l'á i pesciadus trata sön spona, ai s'á sentè, à chirí fora i bugn pësc y i à metü te cësc, mo i stlec ài sciuré.

Vigni studié dla Scritöra, che é diventè n discepul dl règn dl cil, ti somèia a n patrun de ciasa che tol fora de so avëi rich cosses nöies y cosses vedles.



"Cun le règn dl cil éra sciöche cun n tesur che é ciavè ite te n ciamp." Ciamp, tera, stöp, cënder, ciomënt, rofl, vita grija da vignidé. Y spo descüreste val' tl ciamp te túa vita da vignidé che te affascinèia, che lomina, che ti dá valor al ciamp, che müda túa vita da vignidé.

Mo chësc ciamp mëss t'invalèi tan che te das döt lassura, che te lasces ia döt por che la vita da vignidé devëntes túa daldöt. Savèi ch'al é n tesur sotite valorisèia túa vita da vignide.

Tres indò mësseste ciavé y le chirí, t'ajé les mans y ciáfè me de spiné La gran pert é vita grija da vignidé. Momënc de fortuna é plütosc dainré. Impó é le tesur tl ciamp, chiló te nosta vita da vignidé él la festa.

Te nüsc sforc, te nostes batalies y te nostes delujiuns él chiló: le Règn dl Cil.

EDEMA - ANN "A"	SAN MARTIN	LUNGIARÜ	
30.07.23 17^a Domënia - Ann A	9.00 Corona 9.30 Gran Mëssa por la Comunité en onú di Agnui Custodi de rengr. a siur Heinrich Videsott por familia Paul y Valeria Pedevilla + + Otto y Maria Erlacher + + Giovanni y Teresa Flöss	7.50 Corona 8.15 Gran Mëssa por la Comunité de rengr. fam. Clemente y Cherubina Clara + Paul Clara, Toch + + + Severino, Maria y Paolina Zingerle 15.00 Corona tla capela de S. Ojöp Fr.	<p><i>Oraziun por i ploans y curac y dotes chës porsones che se dá da fá por la comunité.</i></p> <p><i>Signur, i te periun por nüsc ploans y curac y dotes chës porsones che se dá da fá por nosta comunité.</i></p> <p><i>Fá ch'ai sides porsones plënes de comprenjiun y de compasciun, de speranza y de fidënza tl dagní. Dëidi da capí i sëgnis di tëmps y da partí les ligrëzes y les crusc cun la jënt.</i></p> <p><i>Implëscesse de reconoscënza ch'i podun sintí túa presënza tres so sorvisc tla incundaziun, tla liturgia, tl partí le pan y tla ciarité. Dëidesse da i incunté cun simpatia, y da i lascé sintí ch'ai é bëgnorüs y ch'i i sostignun.</i></p> <p><i>Signur Gejú Crist, i te dijun dilan che te nes as cherdé da ester to popul. No lascé sozede ch'al ti mances a túa Dlijia porsones che fistidiëia por la costruziun y la uniun de tües comunités te to rëgn cina che te vëgnis indô. Amen. KGS</i></p>
31.07.23 Lönesc <i>Ignaze da Loyola, Hermann</i>		7.30 Mëssa a onú dl Sanch Prezius de Gejú	
01.08.23 Dedolönesc <i>Fonjo Maria da Liguori</i>	8.00 Mëssa + Sepl Flöss, d'Arzó	7.30 Mëssa en onú de Sant Antone por la familia Clara da Somví	
02.08.23 Dedemesaledema <i>Eujeb, Pire J. Eymard</i>		7.30 Mëssa + + de Iachin	
03.08.23 Jöbia <i>Lidia, Benno, Salome</i>		7.30 Mëssa + + Emilio y Maria Sorà	
04.08.23 Pröm vëndres <i>Jan M. Vianney (curat d'Ars),</i>	15.00 Sonn dles ciampanes por la jënt che mör da fan 18.30 Adoraziun chîta 19.00 Mëssa + Ida Dariz + + Purgl y Irene Prousch	7.30 Mëssa + + de Monica Costa	
05.08.23 Sabeda <i>Santa Maria dala Nëi</i>	18.30 Mëssa prefestia + Purgl Gasser Pedevilla + + Zingerle, Ghejenara + + Siegfried y Maria Zingerle		
06.08.23 Festa dla Trasfiguraziun dl Signur <i>Domënia dla Porziuncula</i>	9.00 Corona por vocaziuns 9.30 Gran Mëssa por la Comunité cun indulgënza de rengraziamënt + Pasquale Schuen + Dorotea Prousch Gasser (dl ann)	7.50 Corona 8.15 Gran Mëssa por la Comunité cun indulgënza + + + Severino, Maria y Paolina Zingerle + + Gabriele Clara y Teodolinda Mühlmann 15.00 Corona tla capela de S. Ojöp Fr.	

